



5. november 2020  
Atassut

UKA 2020/165  
Bentiaraq Bendtsen Ottosen

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa suleqatigiillutik suleqatigiissitamik nunat avannarliit killiit niperujoorutaannik erinarsuutaannillu nuutilersukkanik saqqummersitsinissamut katersuisussamik ilisimasalinnik susassaqartunik ilaasortalimmik pilersitseqqullugit. Nunani pingasuni taamatut saqqummersitsinissamut aningaasartuutissat suleqatigiissitap qulaajassavaattaaq.**

(Aallartitat siulittaasuat Vivian Motzfeldt)

Atassummiit erinniortut taalliortullu periarfissani tamani tapersersueqataaffigerusuppagut. Uanilu neriuutigaarput taanna atuagannguaq erinnanik imalik saqqummeriarpat Savalimmiormiunut Islandimiunullu nipilersortartortatta, erinniortortatta kiisalu taalliortortatta annerusumik suleqatigiinnerulernissat suleqatigiissutaanersulersinnaassasoq.

Taamaalilluta tunngaviatigut siunnersuutip imarisaatigut tapersiilluinnaraluarluta, Atassummiit kissaatigissavarput taakku aningaasat 300.000kr-it toqqaannarnerusumik nunatsinni erinniortunut, taalliortunut nipilersortartunullu atorneqassasut.

Nunatsinni nipilersorneq annerusumik inuussutissarsiutaanerulersinnaavarput, saqqummersitsinikkut tapiissutit tulluarsaqqinnerisigut, angallannikkut nipilersortartunut tapiissutinik pilersitsinikkut, allaallu akileraartarnikkut oqilisaassinikkut taakku aningaasat atorluarnerorusuppagut.

Taamaattumik siunnersuut itigartipparput.